

Leson 3

WORDA

komo-worda

Komo lu go? – Lu go kway.
Komo ela rasmi? – Ela rasmi hao.

Ela rasmi pyu hao kem lu.
Lu rasmi pyu buhao kem ela.
Lu rasmi meno hao kem ela.

GRAMATIKA

modus-komo-worda derivia

kwel-worda => modus-komo-worda

Skay es klare.
Nu vidi klare skay.
Nu vidi faulas klare**m**.

kwo-worda => modus-komo-worda

Lu shwo a me kom amigo.
Lu shwo a me amig**e**m.

zwo-worda => modus-komo-worda

Lu shwo kwasi grumbli.
Lu shwo grumble**m**.

WORDA

plasa-komo-worda

May kitaba es **hir**.
Lai **ahir**!

Yuy-la es **dar**.
Go **adar**!

Go **avan!** **Avanen** me vidi haus.
Bu go **bak!** **Baken** me vidi toka shulin.

Kan **leftu!** **Leften** ye jamile gina.
Bu kan **raitu!** **Raiten** bu ye toy jamile gina.

Kan **uupar!** **Uuparen** yu vidi skay.
Kan **nich!** **Nichen** ye arda.
Nu es **inter** skay e arda.

Go **aus!** Yuy amigos weiti yu **ausen**.
Lai **inu!** Me weiti yu **inen**.
May mata es **inen**, may amigos es **ausen**.

Go **wek!** Me bu kredi yu.
May tren es yo **wek**.

GRAMATIKA

konekti-partiklas

Me hev kitaba **fo** yu. Me hev yoshi dafta **krome** kitaba.

Dai a me sey kitaba **inplas** toy-la.

Me yao go adar **kun** yu. Me bu yao go adar **sin** yu.

Lu shwo mucho **om** ela.

Nu bu go aus **por** buhao meteo. Nu resti **in** dom.

Es tume nocha. **In** tume nocha me bu vidi kamino hao.

Nu lerni **duran** char ora, **til** aksham.